

# Sommergedichte

## Su e schiener Sommer!

Su enn schinn Sommer  
was mir heier hobn,  
sitzen mir im Garten  
führ, mittogs un obnd.

Kimmt dr Star geflogen  
fütter oft sei Schar,  
bunte Blume locken  
zarte Falter gar.

Biene summe Weisen  
schwirrn enn üm de Stirr  
Beer un Kirschen reifen  
Äpfeln un aah Birr.

Üm un rüm do is Laabn  
mr muß nár richtig gucken,  
ball wards aah Gewitter gaabn,  
Blitze sieht mr zucken.

Nu fängts aah ze regne ah,  
die Hitz war fei e Nut,  
e Regenbugn is ze saah,  
des tat richtig gut!

Allis tut siech sehne,  
su muß dr Sommer sei,  
blitzen un mol regne  
un wieder Sonneschei.

Dagmar Meyer

## „Sommerregn“

Matthias Fritzsch



Wenn's in Sommer regne tut ganz sachte für sich hie,  
här ich de Leut bluß meckern, aber ich, ich find des schie.

Do gieh ich gern mol naus un laaf e Stückl durch'n Wald,  
ich denk bluß, loß de Leit nár reden, su wos läßt mich kalt.

Weit un braat kaa Mensch ze sah dar enn do draußn stárt,  
nár Vögele singe ganz vorhalten, is Aanzige, wos mor härt.

Von den Baam falln grüße Tropfen un es nieselt sacht dorzu,  
un aus'n Wald steigt auf dor Nabel, ach, is des e herrliche Ruh.



## FAHRDIENST für September

Wer am 07.09.2017 abgeholt und auch **wieder nach Hause**  
gefahren werden will, der möchte bitte bis 17:00 Uhr anrufen:

**Peter Müller, Tel.: 3411**

Sollte der Fahrdiensthabende nicht gleich erreichbar sein,  
dann bitte öfter anrufen – ruhig auch schon ein oder zwei Tage vorher !!!



Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141  
Fax 037752 / 2141  
Internet:  
www.heimatverein-eibenstock.de

Bankverbindung:  
Erzgebirgssparkasse  
IBAN: DE90 87054000 389 220 7258  
BIC: WELADED1STB

# Unner Blatt`l



Nummer  
150

Mitteilungsblatt des  
Erzgebirgischen Heimatvereines Eibenstock

August  
2017



Foto: privat

Mir präsentiern eich heit voller Stolz is

# 150. Blattl!

## Is Mundloch

Is war in Norddeitschland zehaus,  
Herr Heinrich Emil Magnus Kraus.  
Dar war net arm, dar hat viel Gald  
un raast gern im de ganze Walt.

Herr Kraus war aa gar sehr belaaen  
war ar doch schu ieberol gewaasn.  
Dar kannt ganz Asien un aa Afrika,  
Europa un Amerika!

Zeletzt kam noch Australien dra,  
wos mr dort allis drsaahe kaa!  
Ar dacht bei siech: "Es wäre schön,  
gäb's was, das ich noch nicht gesehn!"

Do fiel e Buch ihm nei dr Hand,  
vu Ostdeitschland, des ar net kannt.  
Vun Arzgebirg war hier ze saah  
wie dort is Barggeschrei geschah.

Herrn Kraus, den hats doch sehr gekrämt  
ar war ganz innerlich beschämt.  
Ar raast su weit un aa su gern  
doch wos su nah liecht, is ihm fern!

Vun Bargbau war in Buch geschriebe  
die Gängle in den Barg donei  
bei diestern. schwachn Lampschei.  
Do wars im Krausn-Herrn geschah,  
Su wos hab iech noch net gesah!  
Is kaa mei Wissen nār noch wachsn:  
auf giehts, iech muss nooch Sachsn!

Ins Arzgebirg muss iech mol na,  
ims Bargwark mol ze sah.  
In schlaue Buch stand des su drin,  
Herr Kraus - alsu nicht wie hin!

Nu war's su weit un ar war hier,  
ihm schmeckt sugar is Sachsnbier:  
Dann werd e Schaubargwark besucht  
des hatt ar schu vorausgebucht.

Zeerscht wurd jeder eigekleid,  
zen Schutz, des mr ken Schodn leid.  
Ne Kutt, weil oft is Wasser troppt  
in Helm zeletzt noch ofn Kopp.

Herr Kraus, dar immer Huhes aagestrebt,  
hat suwos abn noch net drlebt.  
Ar war su glicklich wie e Kind,  
verstuhln sugar e Tränle rinnt.

Dann nahm de Eifahrt glei ihrn Lauf  
Dr Bargmaa grüßt glei mit „Glück Auf!“  
Hat gar Vieles dann drklärt  
eh mr nu ins Bargwark fährt.

Is meeste, wos mr hier genannt,  
des war Herrn Kraus ganz unbekannt.  
In's Mundloch fährt dr Bargmaa ei,  
heit nu mit ganzn helln Lampschei.

Nei giehts zen Mundloch in den Stolln  
wu hätt's dä sinst do nei gieh solln?  
Nu dacht bei siech dr Herr Kraus  
ze welchn Loch giehts wieder raus?

Bein Mensch su wußt des aa dr Kraus:  
zen Mund giehts nei, bein A... raus.  
Nu dacht ar bei siech dann doch,  
su haaßts bestimmt hier net, des Loch!

Ar wurd vun Bargmaa dann belehrt:  
„Wenn mr zen Mundloch hier eifährt,  
do fährt mr do aa wieder raus!“  
Nu war ar klücher, dr Herr Kraus!

Ar lacht dann aa ganz aufgemunnert,  
is hätt ihm doch gar sehr verwunnert,  
wenn mr zen Ausgang hätt gemacht,,  
e Loch, wos mancher hier gedacht!

Nach Wilfried Hammermüller,  
ausn hungdeitschn ins  
arzgebirgische iebersetzt  
vun Schmidti

## Wir gratulieren unseren Heimatfreunden

Elisabeth Scholz	am 06.09.	zum 72. Geburtstag
Thomas Maixner	am 09.09.	zum 61. Geburtstag
Klaus Reißaus	am 14.09.	zum 73. Geburtstag
Johannes Wüst	am 17.09.	zum 60. Geburtstag
Beate Wellner	am 21.09.	zum 58. Geburtstag
Christa Jacob	am 22.09.	zum 84. Geburtstag
Günter Schmidt	am 27.09.	zum 68. Geburtstag

Man muss sein Glück teilen,  
um es zu multiplizieren.

Marie von Ebner-Eschenbach



## Vortrag

„Entstehung des Bergbaus  
im Erzgebirge“  
von Günter Eckhardt, Schneeberg  
...un gemietlichs  
Beisammesei

Donnerstag,  
07. September 2017,  
18.00 Uhr  
im Vereinshaus

...un am Donnerstag, ne

05. Oktober,  
18.00 Uhr  
Spieleobnd un Musik

Wu dä?  
Nu, im Vereinshaus!

hatt noch e paar lustiche Episodle vu den gutn Maa ze drzähl'n. Bei den Spaß hat mr gar net gemarkt, des mr schu ieber dr Waldschänk naus un kurz vor Wildnthol ogebugn sei in de richtsche Richtung: Carlsfald! Unnerwags muß natierlich wie immer mol aagehalt'n warn, denn wos ubn flüssichs nei gieht, muss nooch durchlaaf'n aa wieder raus. Unnern Pfaarle wars aa ganz racht, die ham alle gedampft un getroppt, des mr schu



besocht im se warn. Doch dr Carsten saat, des wär zwar schu ganz schie aastrengt for se, bein Holzrick'n in Bargwald hätt'n se aber oft noch viel meh ze schaff'n. Mit 2e halb Stund hams mir aber net geschafft bis zr Tolsperren-Gaststätt. Iech hatt ja gelei nooch dr Abfahrt de Azohl vu

jedn Assn an de Küch per Händi durchgab'n, hob aber noch emol gemald, des mr ne gute halbe Stund später kumme. Net, des des gute Assn drweile kalt werd! Auf jedn Fall sei mir gut bedient wurn, alln hats geschmeckt, manliche ham sugar noch in Eisbacher neigewürscht! Als endlich alle bezohlt hatt'n, sei mr esu geg'n

Neine wieder auf de Wägn un ham noch emol alle Carlsfaller, die mr gesah ham lautstark gegrießt. Durch'n Wald, dar immer finst'rer wurn is, sei mr letztendlich ieber ne Dönitzgrund eham nooch un-ner'n Eimstock gewacklt.

Glück Auf! –  
eier Schmidt



## Kennst de emol Millich huln ?

War was dä vun eich noch, wus esu üm neinznhunnertviere-finfefuffzich Millich gob? Also des war zen en bein Millich-Unger in dr Südstroß. Mir vu dr Faldstroß sei do aber net esu weit gange, bei uns im de Eck gabs gelei ne Millich - Hänel, un zwar in dr öbern Crottenseestroß! Bei däne hats normale oder aa blaue Milch gab'n, die war net esu fettich, do war is Fett halt schu gammerlich ogeschebt wurn vor de Butter. Un do hat miech mei Mutter öfter mol hiegeschickt. Mit nern schenn klenn Krügl vorstieht siech. Do gabs noch kaane Millichflaschn, oder gar wie itze sölche Pappietn! Do hat mr noch Vorpäckung gespart, is war ja aa nischt do in darer Beziehung, zen Glück for de Umwalt! Des durft iech ganz allaane machen, is war ja net weit un Autos gab's dozemols aa net esu viel, höchstns in Vogel - Bauer mit seine Pfaar (des war dr Vorgänger vu dr Witscher - Dinastie), dene kunnt iech begegne. Aber die hob iech ja gekannt un die miech, die wuhnt'n ja a gelei gegnieber vu uns. Eikaaf'n gange bi iech aa noch zur Klinkn - Irma, samt dr Hanna oder aa zen Götz, allesamt an Albertplatz gelagn un trotzdam hat jeds Geschäftl sei Kundschaft un Umsatz gehatt un warn halt geniechsam mit ihrn Eikom-me! Des tät heizetog nimmer funktschioniern, do muss massnhaft vorkaaf't warn, sinst macht gelei de ganze Lodnkett zu. Aber wos wollt iech eich eingtlich itze drzähl'n? Ach su, vun Millichhuln. Also bi iech schnurstracks zen Millich-Hänel. Iech hätt ja aa gelei mei Millich ganz imesist huln kenne, denn dozemols war ja in dr Luxenburgstroß, wu iech vorbei musst, de Millichramp, auf dare de Bauern ihre gruß'n volln Kanne naufgestellt ham. Do sei se noocherts vu dr Molkerei ogehult wurn, do gobs noch kaane settn gruß'n Tankwägn, die heizetoch rimhaarkutschiern. Aaständich drzug'n, hab iech de Millich halt eigekaaf't. Un bein Hänel stand immer su ne lange Schlang, wu mr siech aastell'n musst, un des hat mannichsmol gedauert! Aamol is abn passiert, des iech vor Langeweil in dr Schlang mit mein Krügl gespielt hob, immer ringsrimgedreht unsuwetterunsufort... bis meine ganze Hand irgndwie neine Henkl gelangt is, wie aa immer! När – raus ging se nimmer, do kunnt iech machen, wos iech wollt, un is hatt ja aa weh getaa. Wu iech dann aagefange hob ze wimmern, hat miech ne Fraa bei dr annern uvorsehrtn Hand genumme un zen altn Hänel vürgeschafft. Dar saat, des iech net erscht ze greine braucht, ar kennt mir schu half'n. Sprochs un hult ne gruße Zang un dreht dodrmit den Henkl auf, su des mein Hand rauskunnt. „Nu ja“, saat ar, „eweng Emalje is zwar waggessprunge, aber die Hand is noch ganz, außer paar klaane Schramme. Soch deiner Mutter in schenn Gruß, se söll dr net bieß sei.“ Se war net bieß – ganz in Gegntaal, se hat miech noch bedauert.

Bis zen nächstn Mol - eier Schmidt

**Aus dr Vereinsgeschichte oder was mr su zam gemacht ham, suzesogn eweng of amtsdeutsch : Statistik**

Kremserfahrten		
Jahr	Wohin	Ziel
1996	Gerstenberg, Talsperre	Carlshof
1997	Sosa	Köhlerhütte
1998	Oberwildenthal	Ferienheim
1999	Stützensgrün	Badgaststätte
2000	Sosa	Fröhlichgut
2001	Stützensgrün	Stollmühle
2003	Sosa	Riesenb. Häuser
2004		
2005	Sosa	Riesenb. Häuser
2006	Wald	Grilln im Wald
2007	Morgenröthe	Raumfahrtmuseum
2008	Stützensgrün	Stollmühle
2009	Wildenthal	Schmugglerstüb
2010	Sosa	Fröhlichgut
2011	Stützensgrün	Badgaststätte
2012	Sosa	Kanone
2013	Rundfahrt Gestenberg	Mel
2014	Blauenthal Wasserfall	Zimmersacher
2015	Rundfahrt Gestenberg	Feldschlüssel
2016	Sosa	Fröhlichgut
2017	Carlsfeld	Zur Talsperre



## Is Hunnertfuffzichste

Seit 2005 drscheint nu schu „Unner Blattl“! Gedacht als eweng unnerhaltsame Vür- un Rückschau auf unner Vereinslaabn. Am Afang ham mir in unnern juchndlichn Leichtsin aagenomme, is wird nu net esu schwar warn, su 8 klaane Seitn voll ze schreibn un mit Bildern ze bestickn. Is gibt ja aa immer ewos ze berichtn, mitzetaaln oder aafach e schiens Gedichtl aufzegabln un aufzuschreibn - in unnerer arzgebirgischn Muttersproch vorstieht siech! Gelaasn is schnell, ordacht, niedergeschriebn un in de aanzln Seitn neigesetzt dauerts net nár viele Stundn, naa, ganze Tog lang! Mit jedn Blattl wurds schwiericher, unnerhaltsam un aktuell ze bleibn.

Schu in unnerer 100. Ausgob ham mir drzu aufgerufn, des mol e paar Beiträch vu annern komme oder zemindst e paar neie Ideen. Des hat aber bis auf e paar Ausnahme bishar racht wenich gebracht. Aber de Hoffnung woll mr net aufgabn. Vielleicht fällt doch noch den enn oder annern ewos mit ei. Auf jedn Fall wolln mir su lang wies nár irngswie gieht unner Blattl drhaltn. Des werd naamlích net nár vu unnern Mitgliedern fleißich gelaasn, naa, aa ieber unnere Internetseit vun vieln Vorwandtn un Bekanntn, aber aa ehemalsche Schulkameradn usw. Die hobn des immer wieder oft emol bestächt. Grod die, die schu lang in dr Fremd wuhne un nimmer esu vortraut sei mit unnern arzgebirgisch, die müssn des sugar zwehmol laasn, des se des aa vorstenne! Un wenn drwagn esu viele teilham an unnern Vereinslaabn, Gedichtn un Geschichtn, dann is des dr schennste Lohn for unnere Schreiberei. Schu desserwagn gabn mir net auf: is nächste Ziel is de 200. Ausgob! Des wär noocherts de Novemberausgob 2021!?

*Nu do, Glück Auf - dr Vürstand un eier Schmidti !*



**Achtung Werbung:**

**Gala der erzgebirgischen Originale  
am 14. Oktober 2017 im Kulturhaus Aue**

Mit dabei: Erzgebirgsensemble Aue, Crottendorfer Spatzen,  
Bimmelbah´Musikanten Lauenstein, Erzgebirgsschrammeln Oberwiesenthal,  
Gerda Agten (Aue), Stephan Malzdorf (Zwickau), Regine Seifert (Hormersdorf)  
und Steffen Kindt.

Anfragen bzw. Karten können über mich gebucht werden – eier Schmidti!

Ausfahrten		
Jahr	Wohin	Ziele
2006	Dresden	Frauenkirche
	Biebertal	Kelten/Park
	Chodovar	Brauerei
2007	Schönheide	Kegeln/Gartensparte
	Dresden	Grünes Gewölbe
	Gera / Ronneburg	Bundesgartenschau
	Dresden Königsstein	Dampferfahrt
2008	Tschechien	Arber
2009	Schönheide	Bahnl Wiltzschhaus
	Mödlareuth	Guggengrün
	Bamberg	
2010	Leipzig	Flughafen
2011	KH Aue	Anton-Günther-Gala
	Spreewald / Cottbus	Bad Muskau
2012	Schneeberg	Planetarium
	Riesa	Nudelmuseum
2013	Berlin	Hotel am Müggelsee
	Suppenmuseum/Huss	Fichtelbergbahn
2014	Hotel Alt-Giessen	Golden Oldies
2015	Karlsbad / Loket	Erdschweinessen
	Oelsnitz	Landesgartenschau
2016	Schneeberg	Planetarium 2 Vorträge
	Prag	
2017	Seiffen / Annaberg	



Ausfahrten		
Jahr	Wohin	Ziele
1992	Böhmen	Bozi Dar
1992	Böhmen - östl. Erzgeb.	Keilberg, Kadan
1993	Böhmen	Marienbad/Karlsbad
	Biebertal	"Zum Dünsberg"
1995	Biebertal	"Zum Dünsberg"
1996	Lichtenstein	Landesgartenschau
1998	Wernesgrüner Brauerei	Besichtigung
	Lübbenau-Spreewald	
	Böhmen	Karlsbad
1999	Biebertal	"Zum Dünsberg"
	Johanngeorgenstadt	Kegeln
2000	Steinheidel	Theaterstück
	Sächsische Weinstraße	
2001	Carlsfeld	Glasfabrik
	Wörlitzer Park	
2002	Biebertal	Wetzlar, Braunsfeld
2003	Meißen	Augustusburg
	Waschleithe	Heimateck
	Landwüst	Museum
2004	Dresden	Pillnitz Park
	Biebertal	Dünsberg
2005	Freyburg	Sektellerei

## Mit de Witscher-Pfaarle durch unnere Walder

Bis nooch unnern Carlsfald issis drwagn e ganz schiens Stickl ze fahrn! Des ham mir fei gemarkt, wu mr drwagn esu ganz schie spät wieder eham kumme sei, des warn fei bluß noch gute 40 Minutle bis zr Geisterstund! Aber erscht noch emol zr Abfahrt vun Parkplatz. Do hattn mir schu kurz vür halb 4e de Getränke zamgetrogn un



is Wasser noch per Eikaafswogn aus dr Norma rausgeschubn. De Andrea stand schu mitnern Plan un Stift bereit un tat is vorgewählte Assn, subald se när in neie Akömmeling gesah hat, aufnotiern. Esu 2 Minutn vor Viere ham dann schu wieder welche rimgeunkt, des de Pfaarle uns vielleicht vorgassn ham, aber kurz drnooch warn alle 3 Wägn do un

mir ham alle gemäß unnere Sitzordnung nauf de Karnn sortiert. Is war auf de grußn Wägn bei 16 Weible un Mannle eweng eng, aber dodrfier warsch racht kuschlich! Bei den Hie- un Hargeruckl is des ja suwiesu egal, do rutscht allis neizam. De Karlsbader Stroß naus gabs natierlich in schen Stau wie of ner Autobah, aber des war uns numol wurscht, mir tatn vu de Wägn de Autos



freundlich griesn. Bein Wogn 2e gings gelei mit Musik laut zu, do hat unner Rainer sei Funk-Box mitgebracht un for Stimmung gesorcht. Bei uns hintn gings aa lustich zu, do ham se siech ans letzte Blattl drinnert mit ne Artikel ieber unnern Gläß-Bub un ball e jeder

